

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- संयुक्त राष्ट्र सुरक्षा परिषद च भारत नै पहलगाम आतंकी हमले ते 26/11 आहले मुम्बई आतंकी हमले दा हवाला देइयै आतंक गी समर्थन देने पर पाकिस्तान दी सख्त नुख्ताचीनी कीती ऐ।
- लोकसभा च विपक्ष दे नेता राहुल गांधी होर अज्ज पुंछ च पाकिस्तानी गोलाबारी संवा प्रभावित लोकें कन्नै मिलडन।
- सेहत मंत्री सकीना इत्तू होरें आखेआ ऐ जे पूरे जम्मू-कश्मीर च सेहत ढांचे च तौले गै बड़डा बदलाव दिक्खने गी लब्बोग।
- सरकार जम्मू-कश्मीर च प्रमुख दरयाएं पर ट्रांसपोर्ट दी सुविधा बारै विचार करा'रदी ऐ। मुख सचिव अटल डुल्लू होरें आखेआ ऐ जे तौले गै इत्थे सस्ता ते पर्यावरण दे अनुकूल जल परिवहन सुविधा उपलब्ध होग।
- सरकारी डिग्री कॉलेज कठुआ दे एनसीसी कैडेट मोहित कनाथिया नै दुनिया दी सब्भनै शा उच्ची प्हाड़ी किंगर माउंट एवरेस्ट पर पुज्जियै जम्मू-कश्मीर दा नां कीता ऐ।

<><><><><><>

India-UNSC

संयुक्त राष्ट्र सुरक्षा परिषद च भारत नै सख्त शब्दें च पाकिस्तान दी आलोचना कीती ऐ ते दशकें थमां बन्ने पारा दा कीते जा'रदे आतंकवादी हमलें गी उजागर कीता ऐ। संयुक्त राष्ट्र च भारत दे स्थाई प्रतिनिधि पी. हरीश होरें इक खुली बैहस च पाकिस्तान पर आरोप लाया जे उन्नै सिविल नागरिकें गी ढाल बनाइयै आतंकवादिएं दा बचाव कीता ते दुनिया नै दिक्खी लैता ऐ जे आपरेशन सिंदूर दौरान मारे गेदे आतंकवादिएं गी पास्तिनी नागरिकें श्रद्धांजलि दिती ही। उन्नै पाकिस्तान आसेआ भारत दे सीमावर्ती इलाकें च सिविल लोकें गी निशाना बनाइयै कीते गेदे हमलें दी निंदेआ कीती ते 26/11 आहले मुम्बई आतंकी हमले ते आप्रै 2025 आहले पहलगाम आतंकवादी हमले च पाकिस्तान दी भूमिका गी उजागर कीता। उन्नै आखेआ जे आतंकवादिएं ते नागरिकें गी बराबर दस्सने आहले मुख्यै गी नागरिक सुरक्षा दी गल्ल करने दा कोई अधिकार नेई ऐ।

<><><><><><>

Rahul

लोकसभा च विपक्ष दे नेता ते कांग्रेस दे साबका प्रधान राहुल गांधी होर हाल च गै पाकिस्तानी गोलाबारी करी प्रभावित परौआरें कन्नै मिलने लेई अज्ज पुंछा आवा'रदे न। 22 अप्रैल गी पहलगाम च होए दे आतंकी हमले मगरा एह राहुल गांधी हुंदा जम्मू-कश्मीर दा दुआ दौरा ऐ। वरिष्ठ कांग्रेसी लीडरें कन्नै आए दे राहुल गांधी होर पीड़ित परौआरें कन्नै गल्लबात करडन। ओह जम्मू थमां हेलीकाप्टर राएं पुंछ जाडन।

कांग्रेस दी इक टीम पैहले थमां गै उत्थे पुज्जी गेदी ऐ। राहुल गांधी होर मेद ऐ जे दपैहरी मगरा दिल्ली परतोई जाडन। राहुल गांधी हुंदे दौरे बारै गल्ल करदे होई मुख मंत्री उमर अब्दुल्ला होरें आखेआ।

<><><><><><>

Tiranga

जम्मू-कश्मीर हाई कोर्ट बार एसोसिएशन नै आपरेशन सिंदूर दी कामयाबी दा जश्न मनाने दे मददेनजर इक तिरंगा रैली दा सरिस्ता कीता जेड़ी हाई कोर्ट परिसर थमां शुरू होई ते हाई कोर्ट चौक जानीपुर जाइयै सम्पन्न होई। बार एसोसिएशन दे प्रधान निर्मल कोतवाल हुंदी अगुवाई च इस तिरंगा रैली च सशस्त्र बलें लेई पूरा समर्थन दस्सेआ गेआ। वकीलकें ते कनूनी वर्ग दे सदस्यें इस रैली च बधी-चढ़ियै हिस्सा लैता ते पूरे जोश कन्नै राश्ट्री झंडा लेइयै देशभक्ति दे नारे बी लाए। एहदे बारै गल्ल करदे होई जम्मू-कश्मीर हाई कोर्ट बार एसोसिएशन जम्मू दे प्रधान एडवोकेट निर्मल कोतवाल होरें आखेआ।

<><><><><><>

Announcement-Prog

आकाशवाणी जम्मू दे क्षेत्रीय समाचार एकांश अज्ज ऑपेशन सिंदूर बारै 20 मिनंटे दी इक विशेष परिचर्चा प्रसारित करा'रदा ऐ जेदे च जम्मू कश्मीर सैनिक कल्याण मैहकमे दे निदेशक ब्रिगेडियर रटैर गुरमीत सिंह शान होर अपने विचार सांझे करडन।

एह विशेष कार्यक्रम इनें खबरें दे तुरत मगरा ठीक साइडे 9 बजे प्रसारित कीता जाग ते उन्दे नै गल्ल करडन स्हाड़े न्यूज एंकर विजय बजाज। इस कार्यक्रम बारै अपनी प्रतिक्रिया तुस स्हाड़ी ई मेल rnujammu@gmail.com पर सांझी करी सकदे हो।

<><><><><><>

Sakina-Healthcare

सेहत मंत्री सकीना इतू होरें इस गल्ल उप्पर जोर पाया ऐ जे उच्चे म्यार आहली सेहत सरबंधी स्हूलतां ते शिक्षा तगर लोकें दी पुज्जत बनाना सरकार दी प्राथमिकता ऐ। उनें कोकरनाग हल्के च अपने दौरे दौरान एह गल्ल आक्खी। लोकें कन्नै गल्लबात करदे होई सेहत मंत्री होरें सेहत सुविधाएं च बाददे सने होर नमियां सेहत स्हूलतां लोकें तगर पजाने दा बी यकीन दोआया। मंत्री होरें सरकार आसेआ जम्मू-कश्मीर दे हर इक माहनू तगर लोइचदियां सेवा पजाने दे धेइयै गी इक्क बारी परतियै पक्का कीता ते आखेआ जे लोकें दे कल्याण सरबंधी हर इक मसले गी प्राथमिकता दिती जाग। उनें आखेआ।

<><><><><><>

CS-IWT

मुख्य सचिव अटल डुल्लू होरें जम्मू-कश्मीर च झेलम, चिनाह ते रावी दरेआएं पर जल परिवहन यानि वाटर ट्रांसपोर्ट बवस्था IWT शुरू करने दिएं संभावनाएं दा पता लाने बारै इक बैठक सददी जेदे च इस पहल दे बक्ख-बक्ख पहलुएं पर विचार बटांदरा कीता गेआ। इस मौके उनें आखेआ जे इस सेवा दे शुरू करने कन्नै केई जिले आपूं च जलमार्गे राएं जुड़डन, इक थाहरा दुई थाहर आओजाई सस्ती होग ते सब्भनें शा बड्डी गल्ल ऐ जे एहदे नै पर्यावरण पर कोई माड़ा असर नेई पौग।

इस योजना तैहत बिजली कन्ने चलने आहलिये लौहकिये, फैरी आंगर दिये किशिये दी बवस्था होग जेदे च इक टैमै च 20 सोआरियां बेही सकडन। अटल डुल्ल होरें दूर-दरेडे इलाकें तोड़ी दरयाएं राएं ट्रांसपोर्ट दी सुविधा उपलब्ध कराने ते सैलसफा गी बढ़ावा देने लेई इस परियोजना पर तेजिया कन्ने अमल करने पर जोर दिता तां जे इसी तौले मूर्त रूप दिता जाई सकै।

<><><><><><>

DGC-Kathua

गौरमेंट डिग्री कॉलेज कठुआ दे एनसीसी कैडट मोहित कनाथिया नै 18 मई 2025 गी उच्ची प्हाड़ी किंगर माउंट एवरेस्ट उप्पर सफलतापूर्वक चढ़ाई करिये समूलचे जम्मू-कश्मीर गी फख मसूस कराया ऐ। NCC Everest Expedition 2025 लेई पूरे देश दे 10 नौजवानें गी चुनेआ गेदा हा जिंदे च मोहित जम्मू-कश्मीर दे इक्कले कैडेट हे। उनें साहस ते दलेरी दा प्रदर्शन करदे होई एह उपलब्धि हासल कीती। अप्रैल च रक्षा मंत्री राजनाथ सिंह होरें इस अभियान दी झंडी दस्सिये शुरूआत कीती ही। कॉलेज दे प्रिंसीपल प्रो. सीमा मीर होरें मोहित हुंदी इस शानदार उपलब्धि दी सराहना कीती। उनें एनसीसी अधिकारिये ते सखेत्रुएं दा बी इस ऐतिहासिक जित लेई सहयोग देने लेई धन्नवाद कीता।

<><><><><><>

PM-MKB

प्रधानमंत्री नरेन्द्र मोदी होर कल ऐतवारें 25 मई गी आकाशवाणी पर प्रसारित होने आहले अपने महावार रेडियो कार्यक्रम “मन की बात” राए देश विदेश च रोहने आहले लोकें कन्ने अपने विचार सांझे करडन।

हर महीने दे अखीरले ऐतवार प्रसारित होने आहले इस कार्यक्रम दी एह 122मीं कड़ी होग। एह कार्यक्रम बड्डलै 11 बजे आकाशवाणी ते दूरदर्शन दे समूलचे नेटवर्क पर प्रसारित कीता जाग। एहदे कन्नोकन्नी प्रधानमंत्री हुंदे दफ्तर, सूचना ते प्रसारण मंत्रालय ते आकाशवाणी समाचार ते डी.डी न्यूज दे यू-ट्यूब चैनलें पर बी मन की बात कार्यक्रम उपलब्ध होग। मन की बात दे तुरत मगरा एहदा डोगरी भाषा च अनुवाद प्रसारित कीता जाग। एहदा डोगरी अनुवाद तुस रातीं 8 बजे इक बारी परतियै आकाशवाणी जम्मू पर सुनी सकदे हो।

<><><><><><>

Job Fair Udhampur

जिला रोजगार ते परामर्श केंद्र उधमपुर आसेआ नौजवानें गी कम्म रोजगार हासल करने दा मौका उपलब्ध कराने लेई “जॉब फेयर” दा सरिस्ता कीता गेआ। इस रोजगार मेले च बक्ख-बक्ख कंपनिं थमां प्रतिनिधि आए दे हे जिनें नौजवानें गी अपनी काबलियत ते दिलचस्पी स्हाबै नौकरी दी पेशकश कीती। उधमपुर ते एहदे आनले-दोआले दे इलाकें थमां कोई 300 कोला मते बेरोजगार नौजवान इस मेले च शामिल होए। मैहकमा रोजगार दियां असिस्टेंट ड्रैक्टर प्रियंका गुप्ता होरें नौजवानें गी जोर देइयै आखेआ जे ओह मिशन युवा नां कन्नै शुरू कीती गेदी स्वरोजगार स्कीम दे कन्नोकन्नी इस चाल्ती दे मौके दा बी पूरा लाह हासल करियै अपने पैरें पर खड़ोइयै आत्मनिर्भर बनन। इस मौके कई नौजवानें अपने नां मिशन युवा ऐप राएं दर्ज कराए। आकाशवाणी समाचार कन्नै गल्ल करदे होई प्रियंका गुप्ता होरें आखेआ।

<><><><><><>